



**Partido MEP:
DEN 3 LUNA PARLAMENTARIO
MIKE DE MEZA NO A PRESENTA
NA NINGUN REUNION NO
WORK, NO PAY?**



WWW.SOLODIPUEBLO.COM



SOLODIPUEBLO@GMAIL.COM

**DIA SCUR PA HUSTICIA:
HUEZ ROOVERS, HUSTICIA
OF CONFLICTO DI INTERES?**

ROVER

**HUEZ ROOVERS VS. HOGE RAAD:
EEN ONAANVAARDBARE BOTSING
IN DE CROES- EY ZAAK**

Rechter negeert bewust bindend arrest hoogste rechtscollege –
juridische crisis in wording



**A DUDA SI TABATIN VIOLACION OF AVENTURA DEN
TRIO (TRES); HUES A DECLARA HOMBER LIBER**

Hues ta declara sospecho di a viola dama liber

**ATROBE CANDELA GRANDI
TA MOLESTIA BISIÑANAN
BANDA DI P.O.V.A.**



Awo cu 2 florin mas, bo por gana e **MEGA PLUS**

* Afl.

1.300.000,-

* Afl. 875.000,- + Afl. 425.000,-
extra

Benta ta sera 7:30 pm y sorteo ta hunga 7:45 pm



HUNGA AWO



RESULTADO DI LIDERATO FINANCIERO EXITOSO DI EX MINISTER XIOMARA MADURO DI FINANSA TA PUBLICA DEN E UITVOERINGSRAPPORTAGE 1E KWARTAAL 2025

E logronan financiero ta mas cu cifra so, nan ta refleho di un direccion firme pa bienestar y estabilidad di Aruba



– E grafico publica den e Uitvoeringsrapportage di e prome kwartaal di 2025 ta refleha e progreso firme cu Aruba a logra bou di e liderato di Xiomara Maduro, ex-Minister di Finansa, actual Parlamentario, hunto cu su ekipo y coleganan di e Gabinete Wever-Croes I y II. Cifranan di aña 2017 te cu e prome kwartaal di 2025 ta muestra e trabou haci pa ex Minister Maduro di Finansa y nan ta testimonio di mehoracion den e maneho financiero di Aruba. E logronan financiero ta mas cu cifra so, nan ta refleho di un direccion firme pa bienestar y estabilidad di nos isla.

□ Sali fo'i deficit, y crea surplus
Di un situacion complica cu deficit grandi prome cu

2017 y despues aun mas grandi durante e añanan di e pandemia (2020-2021), Aruba ta logra bira e pagina. Pa 2023, 2024 y e prome kwartaal di 2025, nos ta mira surplus financiero (financieringssaldo positivo) y un saldo primario positivo. Esaki ta crea un buffer financiero importante pa por inverti den infraestructura y duna bek na e pueblo Arubano.

□ Gasto di personal controla den un periodo desafiante
Asina mes cu un subida di 11.7% pa indexering, gasto di personal ta keda stabiel y incluso reduci como porcentahe di BBP, bayendo di 9.6% den 2020 pa 6.8% den 2025. E eficiencia y maneho prudente di fondo publico ta evidente den e cifranan presenta.

□ Reduccion di debe nacional
Den 2020, debe di Aruba tabata na 115.7% di GDP, un nivel halto y preocupante ocasiona pa e sla grandi di e pandemia. Pa 2025, esaki a baha pa 70% y ta demonstra e compromiso pa sostenibilidad fiscal y maneho responsabel cu ex Minister Maduro di Finansa a hiba. E debe di Aruba den moneda nacional y internacional a wordo stabilisa den nivelnan manehabel.

□ A mehora credibilidad financiero

E esfuerso pa restaura confiansa internacional tambe a duna su fruto. Ex Minister Maduro di Finansa a logra hisa Aruba su credibilidad financiero cu un investment rating stabiel na un nivel sostenibel segun tres agencia di rating internacional: S&P, Fitch y Moody's. E grafico ta muestra claramente e mehoracion den ranking financiero despues di aña problematico durante e pandemia.

“E cifranan no ta casualidad. Nan ta e resultado di trabou duro y serio, decisionnan dificil, y un rumbo firme pa bienestar di e Pueblo Arubano.

Nos ta gradici tur funcionario publico, ekipo di Bureau MinFEC y MinFIC, colega Ministernan di Gabinete Wever-Croes I y II, y Pueblo en general cu a haci esfuerso grandi pa logra e estabilidad aki pa Aruba.

E logronan financiero aki ta mas cu solamente cifranan, nan ta fundeshi pa un Aruba mas fuerte, mas husto y mas feliz,” ta palabranan di gratitud di ex Minister di Finansa y actual Parlamentario Xiomara Maduro.

Kernindicatoren stand openbare financiën van Land Aruba

Primair saldo en financieringssaldo




Beter beheersen van de personeelslasten



Ontwikkeling van de schuldquote



Handhaving van de kredietwaardigheid



Clasificados



SOLODIPUEBLO@GMAIL.COM

CEL. 585 9500



DIA SCUR PA HUSTICIA: HUEZ ROOVERS, HUSTICIA OF CONFLICTO DI INTERES?

Mesun huez cu a aproba e retiro di Endy Croes na 2010, a tuma decision riba e mmesun caso na 2025, poniendo e sistema legal di Aruba na seriamente na duda.

Un Conflicto di Interes Evidente

Na 2010, huez Roovers tabata esun cu a aproba e retiro di Endy Croes for di Fundacion Lotto pa Deporte (FLPD), basa riba un rapport di Ernst & Young (EY).

Na 2025, mesun huez Roovers, awor como huez-plaatsvervanger, a haya e tarea pa evalua si e mesun rapport di EY tabata ilegal. Esaki ta crea un conflicto di interes grave.

Si e huez a admiti cu EY su informe tabata fout, esey ta nifica cu su propio decision na 2010 tabata robes. Un huez no por evalua su mesun trabao anterior sin perde su neutralidad.

E pregunta fundamental ta con e sistema legal di Aruba por permiti un situacion asina.

Ignora e Decision di Hoge Raad

Na 2019, Hoge Raad di Hulanda a dictamina cu e informe di EY tabata onrechtmatig, pues sin procedimiento di defensa adecuado y cu conclusionnan parcial. Tambe a determina cu e retiro di Croes no tabata husto.

Pero na 2025, huez Roovers a ignora completamente e decision di Hoge Raad. El'a a sigui usa e mesun informe, cu ya tabata refuta y declara "onrechtmatig", pa rechasa e reclamo di Croes.

Esaki ta pone e credibilidad di e corte den duda profundo y ta prolonga e daño cu Croes ta sufri pa un error legal cu nunca mester a existi.

Un menasa pa e Estado di Derecho

E caso ta pone na claridad un problema serio den e sistema di husticia di Aruba.

Ta trata di un posible violacion di Artikulo 6 di EVRM, cu garantiza un huez imparcial. Tambe ta muestra un falta di transparencia den nombramento di hueznan y ta mina e confianza publico den husticia.

Un experto legal a comenta cu un huez cu ta evalua su mesun decision anterior ta comparable cu un fiscal cu ta persigui su propio caso. Esaki ta contra e base di un estado di derecho.

Speransa den Beroep

Awor Endy Croes ta bay den beroep na corte di beroep, unda e tin mas probabilidad pa logra husticia. E ta busca un evaluacion nobo

ROVER

di su caso pa motibo di parcialidad di huez, un investigacion neutral y compensacion pa e daño cu e error legal aki a causa.

E pregunta no ta si e vonnis lo wordo anula, pasobra esey ta sigur. E pregunta ta "ki dia"? Esey lo mester warda riba e proceso.

Un dia scur pa Husticia

E caso di Endy Croes ta bai mas leu cu un individuo. Ta trata di e integridad di nos sistema legal.

Si e vonnis di Roovers keda, ta un señal cu autoridad por tuma decisionnan sin consecuencia. Si Beroep interveni, esey por restaura un parti di e confianza den ley y husticia. Hueznan mester aplica ley, no proteha nan mes.

CORTE DI HUSTICIA A ORDENA CAPA PA ENTREGA REGISTRO DI MIEMBRO NA GREGORIO WOLFF

Corte di Promer Instancia di Aruba a duna su sentencia riba un caso entre Gregorio Wolff y Michiel G. Croes (Wolff c.s.) y Cooperativa di Ahorro y Prestamo Aruba (CAPA). Corte a ordena CAPA pa entrega un copia di e registro di miembro na Wolff c.s., incluyendo adres y e-mail di e miembronan.

E caso a surgi despues di un robo di AFL. 382.000 for di e cuenta di spaar di e miembronan di CAPA. Wolff c.s., cu ta miembronan di CAPA, a pidi informacion relaciona cu un robo, incluyendo e

resultado di investigacion forense y un copia di e registro di miembro. Segun Wolff c.s., nan no a ricibi e informacion solicita, locual a resulta den e demanda na corte.

Durante e audiencia, Wolff c.s. a argumenta cu nan mester e registro di miembro pa por contacta otro miembro y asina obliga e directiva di CAPA pa yama un reunion general di miembro. Na e reunion, nan a planea pidi mas informacion tocante e asunto di e robo.

CAPA a nenga e peticion,

mentona cu ya tabatin un reunion general na september 2024 unda e robo a ser discuti. Ademá, CAPA a alega cu Wolff c.s. ya tabatin acceso visual na e registro y cu e peticion viola e privacidad di e miembronan segun e statuton actualisa di CAPA. Sin embargo, corte a determina cu e statuton vigente na momento di e demanda no a inclui e restriccinnan di privacidad menciona.

Corte a dicta na favor di Wolff c.s., ordenando CAPA pa entrega un copia di e registro di miembro y



paga e costonan di e caso, sumando AFL. 450. E decision a ser entrega dia diamars 1 di juli 2025 pa mr. A.J. Martijn, hues di corte.

E caso ta muestra

e importancia di transpariencia den institucionnan financiero cooperativo y e derecho di e miembronan pa accede informacion relevante segun e statuton vigente.



Noticia di Corte

HUES TA DECLARA SOSPECHO DI A VIOLA DAMA LIBER

– Awe mainta Corte di Husticia a trata e caso penal cu Ministerio Publico a cuminsa contra e homber R. (38). E homber R. no a presenta pero si abogado mr. Carlo si.

SOLO DI PUEBLO por a compronde cu tanto Hues como Fiscal ta duda den e caso y a declara e sospecho R. liber.

E acusacionnan cu Fiscal a presenta contra R. ta cu dia 4 November 2021, el a viola y haci actonan immoral cu e dama K. E dama K. no a presenta den Corte.

DUDA SI TABATIN VIOLACION

Hues a muestra cu K. a haci denuncia cu el a bay na e auto di R. pa haya un refresco. Den auto tabata R. y un amiga di R. K. a bisa cu R. y e amiga di R. a haci actonan immoral cun'e y cu R. a forc'e pa tin relacion sexual.

Hues a bisa cu e ta haya e caso aki hopi straño. Hues a bisa cu e tin duda den declaracion K., kico a sosode. El a muestra cu Hues Comisario a interroga K. y e amiga di R. Hues ta haya cu

na Hues Comisario, K. a duna declaracion completamente otro cu loke el a declara na KZP. Na Hues Comisario, K. a bisa cu el a bay den auto y a masashi R. cu tabatin dolor, pa 10 minuut largo. Hues tambe a remarca cu K., despues di e incidente, a manda whatsapp na R. caminda e ta cuminda R. Tur esaki ta haci cu Hues ta duda den declaracion di K.

Ta asina cu K. a haci un demanda di daño contra R. Segun K., e caso a causa cu el a divorcia di su pareha y cu el a keda cu trauma. El a demanda 3000 florin.

Abogado mr. Carlo a bisa Hues cu R. actualmente ta trahando na Hulanda. El a duna Hues un declaracion por escrito di R. R. a bisa cu e caso aki a afect'e pasobra e no a haci nada. El a bisa cu na 2023 el a dicidi bay biba na Hulanda y ta trahando.

FISCAL A PIDI DECLARA SOSPECHOSO LIBER

Fiscal a bisa Hues cu el a bin cu e caso pa Hues

dicidi. Fiscal a muestra cu mester saca afor si realmente tabatin violacion, actonan immoral of si tabatin un aventura den trio. Fiscal ta haya cu K. tabata consistente den su declaracionnan. Fiscal ta duda den declaracion di e amiga di R. y pesey ta pidi pa declara R. liber. Fiscal a bisa cu e declaracion liber di R. ta nifica tambe cu no por aproba e demanda di daño di K.

Abogado mr. Carlo a bisa Hues cu no sa socede cu tanto Hues como Fiscal no ta haya proba e acusacion. El a bisa cu e caso a traha riba R. E abogado ta contento cu tanto Hues y Fiscal ta duda cu R. ta culpabel.

HUES A DECLARA SOSPECHOSO DECLARA

Hues a sera tratamento di e caso y a dicta sentencia di biaha. Hues ta haya cu e declaracionnan di e victima K. no ta consistente y ta crea duda. Hues ta duda cu lo a sosode violacion of actonan immoral. Hues a declara R. liber y no ta aproba e demanda di daño.

AWE ABO POR TA E SIGUIENTE MIYONARIO DI ARUBA

Aruba – 4 di juli 2025: Diamars anochi e resultado di Mini Mega a ser conoci unda cu e numbernan cu a sali tabata: 03-07-15-16 y Mega Ball: 07 y no tabata tin ganado pa e prome premio. Segundo premio a conoce un total di 4 ganado cu tabata tin e 4 numbernan bon, pero sin e Mega Ball. Ticketnan ganado a wordo bendi na Candy's Lottery, Mama Trida Lottery, The Market y Mandingo's Snack.

Si tin un ganado awe nochi, e lo bira e segundo miyonario pa aña 2025! E prome miyonario di 2025 tabata na februari ultimo cu a gana e suma record di Afl. 4.350.000,- y e ticket ganado a wordo bendi na Mahuma Lottery.


Awe diabierna 4 di juli Mini Mega su jackpot a bira 875 mil florin y cu 2 florin mas, bo por gana e jackpot di 425 mil florin extra cu ta pone e

suma bira un total di 1 miyon 300 mil florin!

Pa sigura bo Mega Ball, bo por cumpra bo numbernan di suerte of un loco y pidi pa e combo di All Mega Ball cu lo costa 75 florin y cu Mega Plus, e ticket lo costa 105 florin. Scohe bo numbernan di 01 te cu 30 y pidi bo rebendedo preferí pa bo combo di All Mega Ball pa asina bo tin tur e Mega Ballnan den wega!

Cumpra bo ticket trempan pa bo tambe den wega pa gana e gran total di 1 miyon 300 mil florin riba 4th of July!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wegu di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente



weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta

pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

HACI UZO DI SETAR SU TEleshop ONLINE PA UN SERVICIO RAPIDO Y CONVINIENTE

SETAR su Teleshop Online ta brinda nos clientenan e facilidad pa por haci diferente servicio di SETAR online via e email store@setar.aw y cu e opcion di pick-up rapido na Teleshop Irausquin Plein.

Pa medio di e email store@setar.aw, clientenan por manda nan peticion pa e siguiente servicionan:


- Upgrade y cambio di servicio existente, sea di Mobil, Internet of TV
- Add-ons pa bo servicio(nan)
- Renobacion di contract
- Peticion pa un servicio nobo
- (Re)Activacion di SIM card
- Pick-up rapido di producto na Teleshop Irausquin Plein

Esaki di un manera facil y sigur, for di e comodidad di bo cas y na e momento cu bo ta desea.

Asina aki nos ta haci e bida di nos clientenan mas facil sin tin nodo di bishita un Teleshop.

Teleshop Online ta disponibel di dialuna pa diabierna di 9.00 am pa 5.00 pm.

E servicio aki ta refleha SETAR su compromiso cu innovacion y servicio na nos clientenan, simplificando e manera cu nos clientenan ta interactua cu nos y treciendo e experiencia di un Teleshop mas cerca.



**UNDA CU TA, KI ORA CU TA
CU SETAR ONLINE**

LAGA NOS ASISTI BO CU:

- CAMBIO DI SERVICIO/UPGRADES
- ADD-ONS DI SERVICIO
- RENOBACION DI CONTRACT
- CONTRACT NOBO
- (RE)ACTIVACION DI SIM
- PICK-UP LIHER NA TEleshop IRAUSQUIN PLEIN

**EMAIL NOS NA:
STORE@SETAR.AW**

Nota: Please permiti nos te cu 72 ora pa un contesta.

SETAR

A DUDA SI TABATIN VIOLACION OF AVENTURA DEN TRIO (TRES); HUES A DECLARA HOMBER LIBER

Hues ta declara sospecho di a viola dama liber

Awe mainta Corte di Husticia a trata e caso penal cu Ministerio Publico a cuminsa contra e homber R. (38). E homber R. no a presenta pero si abogado mr. Carlo si.

SOLO DI PUEBLO por a compronde cu tanto Hues como Fiscal ta duda den e caso y a declara e sospecho R. liber.

E acusacionnan cu Fiscal a presenta contra R. ta cu dia 4 November 2021, el a viola y haci actonan immoral cu e dama K. E dama K. no a presenta den Corte.

DUDA SI TABATIN VIOLACION

Hues a mostra cu K. a haci denuncia cu el a bay na e auto di R. pa haya un refresco. Den auto tabata R. y un amiga di R. K. a bisa cu R. y e amiga di R. a haci

actonan immoral cun'e y cu R. a forc'e pa tin relacion sexual.

Hues a bisa cu e ta haya e caso aki hopi straño. Hues a bisa cu e tin duda den declaracion K., kico a sosode. El a mostra cu Hues Comisario a interroga K. y e amiga di R. Hues ta haya cu na Hues Comisario, K. a duna declaracion completamente otro cu loke el a declara na KZP. Na Hues Comisario, K. a bisa cu el a bay den auto y a masashi R. cu tabatin dolor, pa 10 minuut largo. Hues tambe a remarca cu K., despues di e incidente, a manda whatsapp na R. caminda e ta cuminda R. Tur esaki ta haci cu Hues ta duda den declaracion di K.


Ta asina cu K. a haci un demanda di daño contra R.

Segun K., e caso a causa cu el a divorcia di su pareha y cu el a keda cu trauma. El a demanda 3000 florin.

Abogado mr. Carlo a bisa Hues cu R. actualmente ta trahando na Hulanda. El a duna Hues un declaracion por escrito di R. R. a bisa cu e caso aki a afect'e pasobra e no a haci nada. El a bisa cu na 2023 el a dicidi bay biba na Hulanda y ta trahando.

FISCAL A PIDI DECLARA SOSPECHOSO LIBER

Fiscal a bisa Hues cu el a bin cu e caso pa Hues dicidi. Fiscal a mostra cu mester saca afor si realmente tabatin violacion, actonan immoral of si tabatin un aventura den trio. Fiscal ta haya cu K. tabata consistente den su declaracionnan. Fiscal ta duda den declaracion di e



amiga di R. y pesey ta pidi pa declara R. liber. Fiscal a bisa cu e declaracion liber di R. ta nifica tambe cu no por aproba e demanda di daño di K.

Abogado mr. Carlo a bisa Hues cu no sa socede cu tanto Hues como Fiscal no ta haya proba e acusacion. El a bisa cu e caso a traha riba R. E abogado ta contento cu tanto Hues y Fiscal ta duda

cu R. ta culpabel.

HUES A DECLARA SOSPECHOSO DECLARA

Hues a sera tratamiento di e caso y a dicta sentencia di biaha. Hues ta haya cu e declaracionnan di e victima K. no ta consistente y ta crea duda. Hues ta duda cu lo a sosode violacion of actonan immoral. Hues a declara R. liber y no ta aproba e demanda di daño.



ULTIMO OPORTUNIDAD PA ENTREGA E DECLARACION DI INKOMSTENBELASTING DI AÑA 2023 E FECHA FINAL TA 21 DI JULI 2025

Departamento di Impuesto a caba di saca e cartanan di recordatorio (aanmaning) pa loke ta trata e formulario di inkomstenbelasting di aña 2023. E contribuyentenan cu a ricibi e formulario di declaracion 2023 y cu ainda no a entrega esaki, lo ricibi e carta menciona via post den e dlanan venidero.

Fecha oficial

E carta di recordatorio ta fecha 10 di juli 2025. E contribuyentenan cu ainda no a cumpli cu nan deber di entrega e declaracion di inkomstenbelasting 2023, ta haya algun dia mas pa cumpli. E ultimo dia cu mester entrega e declaracion ta 21 di juli 2025.

Si e declaracion ta entrega caba

Na e contribuyentenan cu mientrastanto a

entrega nan declaracion di inkomstenbelasting 2023 y a ricibi e carta di recordatorio, Departamento di Impuesto ta pidi pa considera e carta aki como no manda.

Incumplimento

Esaki ta un ultimo oportunidad. Si no entrega e declaracion 2023 of entrega esaki laat, esta despues di dia 21 di juli 2025, Inspector lo impone un boet na momento cu saca e cobranza definitivo. E boet ta 5% di e suma di impuesto y ta minimo Afl. 250,- y maximo Afl. 10.000,-. E boet aki no ta necesario si e contribuyente cumpli na tempo. Alabes, Inspector lo impone un cobranza taxativo na e contribuyentenan cu no a entrega e declaracion. E cobranza aki ta basa riba un calculacion di e entrada fiscal.

Ta importante pa menciona cu e termino legal pa entrega e declaracion di inkomstenbelasting 2023 a vence dia 9 di oktober 2024. A duna e contribuyentenan cu no a alcanza pa entrega nan declaracion di inkomstenbelasting 2023 promer cu e fecha menciona un termino di extension di 2 luna mas y esaki a vence dia 9 di december 2024.

Departamento di Impuesto ta haci un apelacion na e contribuyentenan cu ainda falta pa entrega nan declaracion di inkomstenbelasting di aña 2023, pa entrega esaki mas lihe posibel y no mas laat cu dia 21 di juli 2025 pa asina evita gastonan y consecuecianan indesea.

Gerencia di Departamento di Impuesto 2 di juli 2025

UTV A BOLTER CAMINDA PA NATURAL BRIDGE



Diahuebs merdia pasa di 12'or y mey a sosode un otro accidente di UTV na costa norte.

E accidente a sosode ariba e ruta cu ta bay pa Natural Bridge. E biaha aki no

tawata trata di turista, pero un local posiblemente un empleado cu lo tawata hibando of a caba di cambia un vehiculo cu lo a danja.

Polis y ambulance tawata necesario na e sitio.

Ey nan por a tende cu e brake probablemente a faya, causando cu e chauffeur a perde control y



bay bolter. a transporta e herido pa Hospitaal.

Ambulance a presenta pa

POLIS A DETENE UN PERSONA BANDA DI MARIA COLLEGE DEN ORANANAN DI MAINTA

Diaranson mainta poco prome cu merdia polisnan di Oranjestad a detene un persona banda di Maria College, mesora a transporte pa warda di polis na Oranjestad.

Nos no sa pa cual motibo maske nos a puntra e vocero policial pero te na e momento di publica e noticia aki nos no a logra haya sa. Pero na momento cu nos tin e informacion nos



HUEZ ROOVERS VS. HOGE RAAD: EEN ONAANVAARDBARE BOTSING IN DE CROES- EY ZAAK

Rechter negeert bewust bindend arrest hoogste rechtscollege – juridische crisis in wording

ORANJESTAD – In een ontwikkeling die de fundamente van Aruba's rechtssysteem aan het wankelen brengt, heeft rechter J.T.G. Roovers zich schuldig gemaakt aan een flagrante schending van juridische hiërarchie. De plaatsvervangend rechter besloot in juli 2025 een bindend arrest van de Hoge Raad der Nederlanden volledig te negeren in de langlopende zaak van Endy Croes tegen Ernst & Young.

De Onbegrijpelijke Rechtsweigerings In 2019 oordeelde de Hoge Raad nog onomwonden dat het onderzoek van Ernst & Young naar Croes' functioneren bij Fundacion Lotto pa

Deporte onrechtmatig was verlopen. Het hoogste rechtscollege van het Koninkrijk stelde vast dat EY zich schuldig had gemaakt aan gebrekkig wederhoor en een eenzijdig negatief rapport had opgesteld. Toch baseerde rechter Roovers zijn oordeel in 2025 op precies datzelfde, door de Hoge Raad al verworpen rapport.

Expert aan het Woord

“Dit is juridisch gezien volstrekt onacceptabel” “De Hoge Raad is het hoogste rechtscollege. Een lagere rechter die zijn arresten naast zich neerlegt, pleegt daarmee feitelijk een vorm van rechterlijke ongehoorzaamheid die

ons hele rechtsstelsel ondermijnt. Het is een principiële aanval op de rechtseenheid.”

Gevolgen voor de Rechtspraak

De beslissing van rechter Roovers zet een gevaarlijk precedent. Als lagere rechters naar geloven arresten van hogere colleges kunnen negeren, vervalt elke voorspelbaarheid in de rechtspraak. Advocaten vrezen nu al dat dit de deur opent voor willekeur in toekomstige zaken.

Wat Rest Croes?

Voor Endy Croes betekent deze ontwikkeling een nieuwe tegenslag in zijn al 15 jaar durende strijd voor gerechtigheid. Zijn advocaten bereiden zich



voor op een grondig hoger beroep, waarin ze niet alleen de inhoudelijke beslissing, maar vooral ook de rechtsweigerings door rechter Roovers aan zullen vechten.

Volgende Stappen

Het Gerechtshof van Aruba krijgt nu de zware taak om deze juridische

crisis te bezweren. Experts verwachten dat het hof het vonnis van Roovers zal vernietigen, maar vrezen dat de geleden schade aan het vertrouwen in de rechtspraak moeilijker te herstellen zal zijn. De zaak dreigt uit te groeien tot een sleutelmoment in de Arubaanse rechtsgeschiedenis.

Partido MEP:

DEN 3 LUNA PARLAMENTARIO MIKE DE MEZA NO A PRESENTA NA NINGUN REUNION NO WORK, NO PAY?

Despues di ultimo eleccion Mike de Meza a huramenta como parlamentario di AVP dia 8 di januari 2025. Sin embargo, desde cu e gobierno nobo di AVP y FUTURO a huramenta, y Mike de Meza mester a keda afo, e no a presenta na ningun reunion di Parlamento mas.

Tabata tin diferente reunionnan di e Comisionnan Fiho den Parlamento, na Aruba y na Panama cu Parlatino. Tambe tabata tin algun reunion publico. Pero Mike de Meza no a presenta na ningun.

Mientras tanto e ta sigui cobra su salario tur luna, sin cu e ta traha p'e. Esaki riba su mes ta

pone nos corda riba trahado spirito, den e caso aki, parlamentario spirito.

Riba dje Mike de Meza ta un sospechoso y fraccion di MEP ta di opinion cu e mester tuma su retiro pa e motibo cu e ta sospechoso, mescos cu Benny Sievinger e tempo ey.

AVP ta keda e partido di academia di corrupcion. Awo cu e sospechoso Benny Sievinger no ta den Parlamento mas, ta e sospechoso Mike de Meza. Fraccion di MEP a pidi atencion caba di Presidente di Parlamento pa e situacion di e sospechoso den Parlamento, pasobra si Otmar



Oduber no por biaha pa representa Parlamento, e ora Mike de Meza tambe mester wordo prohibi pa biaha. Presidente di Parlamento no a contesta e carta ainda

MOTOCICLISTA TRANSPORTA PA HOSPITAAL, DESPUES DI ACCIDENTE ENTRE 2 AUTO Y SU BROMMER



Watty Vos Boulevard - Diaranson anochi pasa di 10'or a sosode un accidente ariba e caminda di WVB cu ta bay pa rotonde Wayaca, entre un brommer y 2 auto.

Ambulance tawata e prome na e sitio y mesora a atende cu e motociclista cu tawata herida y pone den ambulance.

Varios meter mas

leu, tawata tin e dos vehiculonan involvi. Ambos tambe tawata leu di otro.

Tawata trata di un Infinity y e otro un Nissan.

Polis a tarda un poco, pero na yega mesora a cera e area debi cu autonan ta cora basta duro ey ribanan.

Locual nos a compronde na e sitio, e brommer a pasa rasca e parti drechi di e Infinity y ta keda benta mas patras. E Nissan



biniendo mas patras ta dal e brommer color geel.

Por a mira cu tire patras di e brommer a kita completamente. Polis di trafico hunto cu patruya

di Playa tawata esnan na e sitio tumando datos di tur esnan involvi, y lo a pidi pa BFTO tambe pa saca potretnan pa investigacion.

EDUARD PIETERS DI PPA: "ARUBA TA REALMENTE CLAP'E RETONAN DI ADULTO MAYOR? GOBIERNO TIN UN PLAN SERIO, DIGNO Y STRUCTURAL?"

Eduard Pieters, miembro activo di partido PPA, ta sigui di cerca e desaroyonan politico rond e tema critico di adulto mayor na Aruba. "Nos no por sigui trata e temanan cu palabra of bon deseo," segun Eduard. "E cifranan no ta laga espacio pa duda: nos ta papia di un grupo creciente, vulnerabel y ta haci un yamada urgente riba nos sistema di cuido."

Un deficit grandi

E cifranan ta alarmante: Aruba tin 20 mil adulto mayor (65+), aproximadamente 19% di e poblacion. Pa atende cu nos grandinan na un forma digno, nos mester rond di 100 miyon florin. E actual presupuesto ta indica cu nos falta structuralmente y anualmente mas o menos 80 miyon mas pa yega dicho suma. Sinembargo mas preocupante ta, cu segun proyeccion di 10 pa 15 aña, e gasto aki lo subi pa mas di 300 miyon. "Nos no por sigui laga esaki crece na un crisis social y humano y warda te ultimo momento pa tuma accion necesario. Awor mester cuminsa traha riba un plan serio, digno y integral" Eduard ta agrega.

Cuido digno ta un derecho

Eduard Pieters a enfatisa cu e problematica ta amplio y p'esey mes PPA a pone den su

campana na 2024 den su plan di gobernacion "Plan Nos Aruba 2050", unda ta atende e preocupacionnan aki, manera; pensioen cu no yega na bestaansminimum, insuficiente centro di cuido y profesionalnan adecua y un sistema cu falta maneho integral. Un di e solucionnan clave cu PPA a identifica ta, pa activa articulo 17 di e ley di AZV, cu ta un clausula cu por habri e posibilidad pa AZV subsidia cuido pa adulto mayor. "Si nos no pone e articulo 17 aki di Ordenansa Nacional AZV den movecion, nos ta faya pa cumpli cu e derecho di nos graninan pa un bida digno," ta su mensahe.

Inversion den nos hobennan

Otro punto crucial ta e falta di e profesionalnan den instancianan manera; WGK y SABA. Partido PPA ta insisti riba un plan nacional pa stimula hoben pa studia y traha den e sector di geriatrica (enfermedad di embehecimento) y cuido prolonga. "E bienestar di adulto mayor no mester depende di suerte of consider'e un luho, sino e mester ta planifica den un maneho serio y integral di gobierno," segun Eduard.

Como un miembro di PPA cu ta sigui e realidad di Aruba paso pa paso, Eduard Pieters ta pidi pa gobierno y henter Parlamento para keto

riba e tema aki. "E tema di adulto mayor no por warda mas. Un plan integral no ta un luho, sino un obligacion moral pa un pais cu ta cuida di esunnan cu a traha duro den nan tempo y merece un bida di calidad como adulto mayor," el a termina bisando.

Clasificados

SOLODIPUEBLO@GMAIL.COM

CEL. 585 9500


PRIJS DI HUUR PA CAS DI 6.850 FLORIN PA LUNA TA CAUSA RABIA; INACCESIBEL PA ARUBIANO

Oranjestad— Un oferta reciente pa un cas di 3 kamer cu piscina na Washington, Noord, publica riba red social a causa rabia den e comunidad local. E prijs di huur di AWG 6.850 pa luna ta ser mira como un ehempel doloroso di con e mercado di realestate ta birando mas y mas leuw di e alcanse di e Arubiano comun, specialmente den un epoca unda e costo di bida ta sigui subi. Fuera di alcanse pa salario

promedio

E salario minimo na Aruba ta rond AWG 2.000 pa luna, lo cual un trabador comun mester paga mas di tres bes su salario completo solamente na huur – sin ni conta gastonan como cuminda, transporte, etc.

Reaccionnan riba red social: “Kende por paga esaki? Solamente stranheronan of miyonarionan, mientras nos propio hende tin



dificultad pa haya un cas accesible.” Fair trade

E critica no ta solamente ta riba e prijs exorbitante, sino tambe riba e falta di regulacion den e sector di cas.

“Ki dia Gobierno lo wak e cosnan ki?” ta pregunta di un otro usuario, mencionando e necesidad urgente aki.

ATROBE CANDELA GRANDI TA MOLESTIA BISIÑANAN BANDA DI P.O.V.A.



Diaranson mainta a deenta informe di cu bisiñanan na Barcadera y vecindario tin molester di huma, mesora a dirigi tanto polis como

bomberonan na e sitio. Na yegada di e patruya a bin nota cu aki ta trata di un candela molesto pa e habitantenan den cercania y a pidi presencia



di bomberonan. Na yegada di e bomberonan a inicia cu un combate duro y directo pa asina logra paga e candela completamente.

CHAUFFEUR NO A REGULA SU VELOCIDAD NI A MANTENE DISTANCIA Y A BAY DAL TRAS DI AUTO, AMBOS CHAUFFEUR TA HERIDA

Diaranson mainta a drenta informe di un accidente cu hende herida pariba di e crusada di Sero Pita, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un chauffeur di un Toyota Yaris no a

regula su velocidad ni a mantene distancia a bay dal tras di un Honda Fit. E impacto tabata basta fuerte te cu ambos chauffeur a resulta herida, na yegada di e 2 ambulansnan nan a atende ambos victima y a transporta nan pa hospital.



JENNIFER ARENDS-REYES NA CORSOU: HOMENAHE SIGNIFICATIVO RIBA NOS HISTORIA COMPARTI, AVANCE Y FUTURO DI NOS PUEBLONAN



ORANJESTAD (2 di juli 2025) – Parlamentario Jennifer Arends-Reyes, como lider di fraccion AVP, a tuma parti na e celebracion nacional na nos isla ruman Corsou pa conmemora e Dia di Abolicion di Sclavitud dia 1 di juli y e Dia di Bandera dia 2 di juli. Riba invitacion di e autoridadnan di Corsou, Arends-Reyes a representa nos pueblo Arubano den un spirito di union, respet historico y patriotismo Caribeño.

Durante e acto di Bahamento di Bandera

dia 1 di juli na Plasa Brion, e programacion a inclui presentacion di grupo cultural, discurso di lidernan local, entrada solemne di gruponan hubenil uniforma y un interpretacion emotivo di e himno di Corsou pa Izaïher Smith. E momento cu bandera a baha simbolisa un momento di refleho profundo riba e victimanan di sclavitud y e resistencia di un pueblo cu nunca a perde su dignidad. E Caminata Artistico riba Brug, un paso simbolico cu e pueblo a tuma hunto pa Fort Amsterdam, caminda



e Dia di Emancipacion tabata conmemora cu tambu, cuenta y cuminda. Den su palabra, Arends-Reyes a enfatisa: “Bo por kita un hende for di su tera, pero nunca su alma for di su pueblo. E historia di resistencia y emancipacion ta uni nos islanan, ta uni nos pueblo.”

E dia siguiente, 2 di juli, Dia di Bandera, a cuminsa trempan na Parlamento cu un reunion solemne sigui despues pa Plasa Brion. Representantenan di

gobierno y parlamento di Corsou y islanan den Reino a yega, sigui pa entrada di gruponan uniforma, un discurso spiritual y un acto solemne di hisa bandera cu permiso di e Gobernador, su excelencia Lucille George-Wout. Na fin di e evento, Arends-Reyes a comparti su admiracion pa e manera cu pueblo Corsou ta honra su pasado y su bandera: “Un bandera ta mas cu un simbolo; ta un testigo di lucha, di progreso y di identidad. Mi kier expresa

mi felicitacion profundo na nos rumannan di Corsou pa un celebracion digno y inspirativo. Aruba ta orguyoso pa ta su pueblo ruman.”

Arends-Reyes a sigui menciona cu nos pueblo Caribeño mester sigui traha hunto pa reconoce y sana e herida historico di sclavitud, pero tambe pa avansa hunto na un futuro cu ta basa riba dignidad humano, colaboracion regional y orguyo cultural.

DAMA DI ALREDEDOR DI 60 AÑA A KITA CAY RIBA CAMINDA DILANTI BOTICA NA NOORD Y NO TABATA MUSTRA BON

Diaranson mainta a drenta informe di cu un dama di alrededor di 60 aña a kita cay riba caminda y no tabata mustra bon, mesora a dirigi tanto polis como ambulans na e sitio.

Na yegada di e patrulla a bin compronde cu e dama lo a bira malo y a kita cay memey caminda y no tabata mustra bon.

Mesora a dirigi un ambulans na e sitio na yegada di e ambulans mesora a pone e dama den e ambulans y a atende pa djey transporte cu urgencia pa hospital.



SABIDURIA DEN NOS ALEGRIA

Skirbi pa Ruthy” Lady Ruth” Vrieswijk-Bergen



Ta dushi cu awa a y of ta yobe den e dianan aki. Algun dia pasa ela yobe pa basta rato y a causa e situacionnan di custumber ora e yobe pa ratonan largo. Nos isla cu tin su lugarnan y of camindanan cu ta yena bay over. Nos isla ta bira mas berde den su flora y fauna ta goza di e bendicionnan di ariba . Na Hulanda ta custumbra cu awa sa yobe casi tur dia un crenchi tin biaha largo tin biaha cortico, pero glorificando asina Mama Tera pa luci mas den su bunitesa.

Y toch e temporada di verano aki ta super bunita cu dushi temperaturanan. Un dushi zomer. Tawata tin algun dia bastante calor cu hopi solo, laga tur hende keda paden,

Nos a comprende cu e dianan cu awa a yobe stop yobe stop na Aruba a hasi nos cunukeronan toch hopi contento. Pero amantenan di naturaleza no tur a keda contento cu e kimamentonan aki aya cu e celebracion di Dia di San Juan, Dera gai, cu a tuma lugar recientemente como un di e actividadnan cultural ariba nos isla. Lady Ruth no tawatatey en persona pa a presencia e fiesta di Dera Gai e biaha aki, pero ta spera cu tur cos a cana bon, nechi y trankil sin ningun incidente di candela grandi cu por a sali fei man. Nos atencion tawata riba mi celebracion di Lady Ruth su

di 68 primavera den famia na madre patria Hulanda den un dushi ambiente di Alexa cu musica di anjanan setenta, drankjes en hapjes y un dushi bolo “home made” di chuculati blanco y strawberries, masha masha masha dushi mes. Nos a pasa tempo di calidad hungando domino y combersa agradabelmente tocante topiconan di interes actual y di nos alegria di tur dia.

Nos tin cu admiti, cu nos no a atende actividadnan social cultural den e ultimo luna aki na Hulanda, pasobra nos a bin pa pasa tempo cu famia mas tanto hunto , come hunto y hunga dushi weganan di mesa manera domino, rummicub, monopoly etc. celebra bida. Lady Ruth a ricibi riba su pagina di facebook hopi felicitacion di su amigo, amiga- y famianan cu a alegra su curason masha hopi mes. Ela gosa e post di fbf Angel Vrolijk cu a pone e cancion di Trio Los Arubenos :” E fecha glorioso” y “Las Mananitas canta pa Topo Gigo, cu Ruthy a ricibi for di amiga Marge Vermeer Luydens, cu ta hopi conosi pa su amor den protesta contra cosnan stranjo cu ta sosode na Aruba, e.o.nos beachnan cu ta wordo kita fey pueblo pa bira propiedad di hotel y mas hotel. Marjorie ta un “born lider” cu hopi amor pa



Aruba y su hendenan. Nos por corda su lucha contra e ambiente di sushi na Simeon Antonio, dump, cu, segun nos, ainda no tin un solucion . Danki na mi “best sister friends” Bea, Sharlyn y Miriam pa nan bunita palabranan di curason pa mi cumpleanos nr. 68 cu nos ta tribi dividi den “ 20 anja hoben di curason y alegria y cu 48 anja di experiencia den universidad BIDA. Y tambe danki na Blondine pa a canta Happy Birthday den 3 idioma pa Ruthy.

Ach, ta un bendicion di bira adulto mayor cu salud y sabiduria. Ta hanja duele di mira otronan pinta cu wenkbraunwan super diki blauw cu tattoo y of cu “cosnan falso” anjadi na nan cara, lipnan diki cu ta krul y of curpa cu un ves tawata bunita y normal, original y unico, cu awor ta competi cu e cosmeticanan moderno pa keda “for ever young” y tardi of tempran tin cu enfrenta cu nan cabey aunke hopi tinja tur ora, ta bira blanco sinishi, Oh ma hanja duele di un hoben cu su wimpersnan falso largo di mas y diki di mas pa su cara, nos no ta comprende di con tin cu kier usa y hasi tur cos moderno cu bin na moda ? , Siiii, mi tambe conose e cancion “Live

and let live”, pero toch nos ta keda babuca cu ora nan bay drumi y kita tur e cos falsonan ey, tin un di dos cara ta wak nan bek den spiel ? Naaaaah, pa Lady Ruth, mas normal, mas natural, mas mihor. Enfin, nos ta bendiciona cu nos edad di 68 y mas na caminda, segun e boluntad di Bon Dios pa nos bida.

Nos ta respeta tur cu no ta di e mesun pensamiento aki di Lady Ruth y tin cu ta apoya Lady Ruth y tin e mesun opinion den “asunto di beyesa” segun varios comentario ricibi biaha pasa y ta spera cu mayornan di awendia ta laga “muchta mucha” y no forsa nan na edad di 13 of 12 anja caba cu make-up y hilchi halto . Laga nan goza di nan infancia y anjanan di teenager ,hubentud, sanamente sin presion di cosnan mundial den e mundo di “beyesa” pa nan no bira anorexia, cu miedo di come bira gordo y danya nan bunita cutis cu tanto crema etc.

Pa no crea debe cu compra di panjanan di marca, no tin competencia, bo tin un famia pa cria. Danki pa lesa nos relato di e siman aki, pasa un bon dia yen di sabiduria den nos alegria.

Un “bearhug” di Lady Ruth.

DAMA CHAUFFEUR CANSA A BAHAMINDA DAL TRAS DI AUTO STACIONA BANDA DI CAMINDA SCUR NA POS ABAO



Diaranson madruga a accidente na Pos Abao, dreña informe di un mesora a dirigi un patruxa



na e sitio. Na yegada di e patruxa a bin compronde cu aki ta trata di un accidente unda un dama chauffeur poco cansa di un auto di huur a baha caminda dal un auto staciona banda di caminda. Polis a purba controla na ken e auto ta pertenece pero como cu e number no ta cuadra cu e auto no por a logra haya e doño. Como cu e dama ta biba cerca polis a hib'e su cas y takelwagen a hala e autonan for di caminda. Afortunadamente ningun hende a resulta herida.



Oracion di dia

Un feliz comienso di weekend colma cu e misericordia infinito di nos bon Dios.

**BAY SIÑA KICO E PALABRANAN AKI DI
SCRITURA TA NIFICA: 'MISERICORDIA MI
KIER Y NO SACRIFICIO'; MI NO A BINI PA
YAMA HENDE HUSTO, MA PA YAMA
PECADO. MATEO 9,13**

Den e pasashi di Bijbel aki Cristo ta invita nos na reflexiona riba nos manera di mira tur hende y nos manera di actua cu misericordia. Manera Cristo nos mester ta dispuesto na trata tur hende sin importa nan pasado o nan condicion. Keto bay ta bini dilanti e parti di Cristianismo cu nos tin di biba cu ta sigui y haci mescos cu Cristo. Como bon Cristian esey ta nos deber, Cristo ta nos ehempel di bida, con nos tin di biba nos bida. Nos tin di duna otro e oportunidad di experiencia e amor y gracia di Dios. Aparte di esey Cristo ta invita nos pa biba cu misericordia y ta un instrumento di amor di Dios pa tur persona sin excepcion di nan pasado o nan condicion. P'esey rumannan laga nos sigui y biba manera Cristo y asina nos por plama e amor y misericordia di Dios tur caminda cu nos bay. Hesus ta e caminda berdad y bida.

Oracion: Dios Tata, pa medio di Cristo nos ta pidi Bo pa laga Spirito Santo guia nos riba e caminda di bo Yiu Cristo, asina nos por plama Cristo su amor y misericordia rond mundo. Amen.

BIENTO

Nos ta para keto
Un rato den biento
Cu ta manera drumi
Sin cunsumi
Cu ta manera scondi
Un crenchi tribi
Na un forma atento
Nos ta realisa
Cu sin dje no por
Sea suave of firme
Sea di tera of laman
E no ta den nos man
Pa keha y critica
Pero bolter direccion
Na nos duna
Y gradici
.Pa cada dia ricibi

Pa salud cu no tin prijs
Pa biento duro cu sa rijs
Bira un tormenta of orcan
Calma bek y caricia
Nos man
Cu ta crusa dede den
Posicion di oracion
Duna Dios danki
Pa cada bendicion
Biento fresco sigui supla
Sigui caricia nos tur
Sigui refresca nos memoria
Na honor di Christo
Su bondad den eterno
Luz y Gloria
Ruthy" Lady Ruth"

FORTALEZA PA FAMIA

Scirbi pa Pastor Marcel Balootje.

INTEGRIDAD, HONESTIDAD, RESPET, Y PASENSHI, TA MANTENE UN MATRIMONIO NA BIDA

Nada y ningun hende por kibra e berdadero amor,cu Dios a pone den curason di esnan cu ta stima otro.

Hopi hende ta kere cu cas grandi, varios auto, bon trabao, hopi placa, bon tipo, curpa sexy, esey ta locual ta trece felicidad. Ta berdad nan ta parti di bida, pero felicidad no ta depende di cosnan carnal y material.

Un cas grandi luho, pero den dje abuso verbal y fisico ta tuma lugar no ta garantia di un bida feliz.

Si cada ken tin nan auto esey no ta nifica cu tur cos ta bon entre nan dos dos.

Si cada un tin un bon trabao, y placa no ta haci falta den cas, tampoco ta garantia di un matrimonio stabiel.

Hende mes ta trece negativismo den nan bida, pasobra nan ta bisa, no tin matrimonio perfecto, no tin homber fiel, tur muher ta gusta pleita etc.

Locual hende ta proclama cu nan boca esey nan ta ricibi,por ehempel si bo cumpra un auto nobo, y bo mes bisa cu e marca di auto ey no ta bon, pronto lo bo tin problema cune, pasobra palabra negativo ta atrae actitud negativo.

Pero tin algo cu tur hende mester sa, cu matrimonio ta un mata cu mester hanja su awa na tempo, mester snoei su ramanan, mester dune su vitamina,mester ploeg e tera,y mas cu tur cos mester di proteccion contra pis pis.

Pis, pis, ta un insecto cu ta haci manera e no ta danino, pero poco, poco e ta caba cu e mata,

Asina ta ora un matrimonio tin mal amistad, sea di parti di e homber of parti di e muher, hende nan cu ta toxico pa e pareha, cu ta contra unidad, pero constantemente nan cabes ta den fiesta, paranda, gamble y corre caya. Amistad nan asina no ta bon pa ningun matrimonio.

Integridad den matrimonio, ta un sosten tanto pa e homber como e muher, pasobra

Dios hunto cu nan dos, ta sostene nan integridad. Mas integro un pareha ta, mas bon ehempel y bon testimonio nan por duna na nan yuinan y henter comunidad.

Integridad di e rectonan lo guia nan, ma perversidad di traidornan lo destrui nan.(Proverbionan 11:3).

Un nivel di integridad halto, hunto honestad, respet y decensia, ta pone cu ta dificil, pa adulterio,manipulacion y malicia por drenta e matrmonio.

Tanto hende homber como hende muher ta sinti nan mes sigur ora nan ta wordo respeta, pesey respet den un matrmonio tin mucho mas balor cu placa, ki bal la pena un hende tin hopi placa pero e ta rondona cu infielidad y inmoralidad.

Lipnan mentiroso ta un abominacion pa Senjor, ma esun cu ta trata cu fieldad ta Su delicia.(Proverbionan 12:22).

Laga integridad y rectitud wardami,pasobra mi ta spera riba Bo.(Salmo 25:21).

Mihor un pober cu ta cana den su integridad, cu esun cu ta perverso den su caminda, maske e ta rico.(Proverbionan 28:6).

Materialismo ta algo masha peligroso den bida di hende y especialmente den matrimonio, pasobra bo no por cumpra un hende su curason ,cu cos material pa e keda serca bo, amor ta amor berdadero,den bon tempo y den mal tempo, den tristesa y den alegria, hasta ora malesa presenta, amor tey pa cuida pa semper.

Riba tur cos keda ferviente den boso amor pa otro,pasobra amor ta cubri multitud di pica. (1 Pedro 4:8). Un tin nada mas dushi ora fieldad ta reina den un matrimonio, pasobra lo tin intimidad y amor de sobra, y henter famia lo beneficia, di e bendicion di Dios, den e hogar.

Sinceramente, Pastor Marcel Balootje.

SUDOKU

	3						4	
5	4			7	1		2	
			3					6
		8			9			
3		2						
	1				7			3
							8	9
7	8	5	9					
			5				6	2

5			2				4	
			6		3			
	3				9			7
		3			7			
		7			8			
6							2	
	8							3
			4			6		
			1			5		

		1	9		6			5
				7				1
3		9	8			7		6
		2	6	8		4	7	
7		4	2				3	
5		8	7	3		1		2
	2	7		6	8	9	1	3
9		5	3	4				
							5	

CANDIDATANAN PA MISS TEEN ARUBA INTERNATIONAL 2025 INVITA RIBA CATAMARAN DI PELICAN ADVENTURE



Diasabra ultimo riba invitacion di Pelican Adventure nos candidatanan di Miss Teen Aruba International a pasa un rato ameno hunto pa asina disfruta di nos dushi solo y e awanan cristalino di Aruba.

Un ambiente dushi undan a baila, comparti y tambe a dal un dushi baño den nos awanan y a gosa y

despeja nan mente un poco ya preparando pa e ultimo 3 simanan di preparacion pa e anochi final cu ta dia 20 di July cual ta un show ya caba completamente SOLD OUT.

GLW Foundation kier a gradici e equipo di Pelican Adventure pa un atardi masha ameno y danki pa e trato cordial na nos candidatanan y comishon di GLW Foundation.

TEAM SNOR A ROSA BOU PALO DI ALTO VISTA!



Calabas/Kudawecha - Diasabra ultimo, 28 di juni, e centro di pega piedra, e mundialmente famoso Domino Square Garden, un biaha mas tabata e epicentro di otro temblor den mundo di domino! E ekipo “High View”, esta Bou Palo Boys di Alto Vista, a haci su gran debut den un desafio contra e team di Nelson “Snor” Perez, esta Team Snor. Mas cu claro, un y tur cu ta sigui e logronan dje “Max Verstappen” den domino tabata ansioso pa haya sa con e lo maneha presion di un formacion nobo.

Wel, wel. Atrobe nos tin cu bisa cu Team Snor t’e

ekipo cu lo yuda bo haya sa si bo ta cay bou categoria “schoenmaker blijf bij je leest”! Den e caso aki, cos a cuminsa sumamente interesante. Ambos ekipo a habri style di fula tera, un p’ami, un p’abo, kani mi pa mi kani bo, y dado momento wega ta tabla na 8 - 8! Den tur e fulamento aki Team Snor a pasa un “clean board”, pero di biaha un dje trabuconan di Bou Palo Boys di Alto Vista, un tal “Baal”, ta dicidi di dal “Snor” Perez mes un sapato blanco bek di biaha! Cos ta pinta hot! Esaki a traha manera un “wake up call” pa Team Snor kendenan ta manera nan ta bisa na Hulanda ta “schakel een tandje bij” y ta

bay cu velocidad pa drenta halftime cu score di 11 - 8!

Despues di baha pasa riba e pasapalonan completamente gratis, e segundo tanda ta dal aden y aki ta musta cu den pauze e ekipo di Snor a manera drenta ‘pitstop’ cambia taira y gearbox completo! Den di dos tanda miembronan di Team Snor ta bay off ora “Snor” Perez ta bolbe haya otro sapato blanco! E echo aki a traha manera un paña cora dilanti toro brabo! Vap vap, Team Snor ta ranca sali bay pa 15 - 13.

E guynan di Bou Plao di Alto Vista ta protesta un tiki, pero e mashin brabo di Snor ta bayendo full trot y na final ta Snor Perez mes ta dal e “coup de grâce” y ta gana e ultimo wega pa cera e score cu resultado aplastante di 21 - 13! Bou palo di Alto Vista Boys a keda rosa netchi netchi, no a keda niun nayo! Shonnan, keda pendiente pasobra e temporada 2025 ta mustrandando di bira style di “heat wave”!



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - July 03, 2025

 Sorteo # 4669 9603 4446 6659 FP  Sorteo # 4669 4805 FP  Sorteo # 2725 8332  Sorteo # 4669 2353 Aries  Sorteo # 1543 958 FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 200.000,-
 Sorteo # 0 x Jackpot 0 x Match 4 0 x Afl. 8,00 Proximo Jackpot 62.000,-	
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 875.000,-	
 Afl. 1.300.000,-	
 Sorteo #	



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - July 03, 2025

 Sorteo # 8585 5454 3274 9560 FP  Sorteo # 7629 6600 X2  Sorteo # 2334 6056  Sorteo # 6388 8903 Acuario  Sorteo # 1318 520 FP	 Sorteo # 2606 0 x Jackpot 0 x Match 4+ 5 x Match 4 161 x Afl. 12,00 01-22-24-27-31 Joker 21 Letter C Proximo Jackpot 200.000,-
 Sorteo # 6874 0 x Jackpot 8 x Match 4 127 x Afl. 8,00 04-11-21-25-29 Proximo Jackpot 62.000,-	
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 875.000,-	
 Afl. 1.300.000,-	
 Sorteo #	Sorteo # 189 271317 #VALUE! 

INVITACION: TUR PROME DIASABRA DI LUNA TIN MISA NA KAPEL DI BLUE ARMY CENTER Y KAPEL DI ALTO VISTA

Diasabra 5 di juli 2025 tin Santo Sacrificio di Misa. Mainta pa 6,15 ta cuminsa e dia cu Santo Rosario.
Pa despues 7 or ta sigui Santa Misa.
Den luna di juli nos ta corda riba Sta. Goretti y 16 juli nos ta recorda Virgen del Carmen un santo hopi stima aki na Aruba.
25 juli Santiago Apostel. 26 julio Santa Ana y San Joaquin mayornan di Mama Maria.

Papa Leo 14 ta pidi tur fielnan resa Santo Rosario, pidi Tata Dios pa caba cu guera, maltrato di mucha, maltrato di Adultonan, Maltrato riba tur bestia, y nos naturales.
Mama Maria a bisa e 3 muchanan di Fatima riba e ultimo dia di aparicion 13 di october, “ Ami ta La Birgen di Rosario.
Mi a bini pa spierta hende pa drecha nan bida, no haci Dios bira tristo pa via di pica ya cu Dios ta sufri tanto caba pa pica di hende.
” Ban nos tur hunto, resa pa humanidad, resa pa nos isla chikito tin paz den cada cas.



Atentamente,
Cordial saludo di:
Sr. Mario Werleman cel: 593 7048
Pastoor Huancho Pilongo 585 8378 Centro Pastoral Sta.Cruz

POLIS A DETENE MUHE BURACHI CU A DAL BORCHINAN DI TRAFICO Y PALO DI LUS DEN PARKINGLOT Y CORE DEN VERBODEN



Diaranson mey anochi a drenta informe di cu tin un auto cu lo a

dal e borchinan kibra y palo di lus den e parkinglot di Dimas y D.A.O. anto bay pasa den verboden den Koningstraat, mesora a patruyanan a sali y a logra blokea e crusada di Koningstraat cu Emmastraat. Ora nan a bay atende cu e chauffeur e tabata trata di un muhe bao influencia y cu tabata papia cosnan bruha e tabata compaña cu un otro muhe tambe burachi. Polis mesora a detene y despues a bay wak e daño haci den e parkinglot di Dimas.

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

**Cu dolor na nos curason, nos ta participa
fayecimento di nos ser stima:**



Dr. Roderick Gilbert Arends
Mihor conoci como “Rory” of “Doctor Turismo”
***01-08-1939 - †30-06-2025**

Acto di entierro lo wordo anuncia despues